

朝陽縣志卷二十四

人物

古人以立德立言立功爲三不朽以其流風所播可爲傳人也顧志乘所載門類攸分其文治武功卓卓可傳者多半身履仕途已錄入仕宦一門未便重登他如鄉黨自好之士或矩步方行確遵聖賢遺訓或並不讀書而言信行果硜硜自守皆足以廉頑立懦而激厲風俗合哀錄之並附以孝友耆壽志人物

鹿椿慶字壽堂山東名諸生學問夙博性情耿介遊學

朝陽縣志

卷二十四

人物

一

來朝陽有相知者爲謀館穀口譁指畫誨人不倦爲文尤利小試青年英敏者一經教導臨場拔前茅掇芹香即易如拾芥以故負笈從遊者駢肩累迹門牆時有人滿之患館於城南大來店關帝廟中者二十餘年先生於教授之外如時事平陂家人生理絕口不言東修所積漸致豐盈亦不以爲意門弟子代爲治產業建居室於城南小波羅赤村續婚安家先生至此始無東歸之志世居於此焉孺人某氏生子四長名廣祚積學有得餘子亦皆耕讀相安克守正業

先生歿後門下士懷思不已羣集資泐碑以誌不忘云

党振翔字鸞卿前清丁卯科舉人住邑北東井子村距城百餘里兄弟二人公居長以孝聞於鄉家寒早退學以舌耕爲業誨人不倦勵己尤嚴實之至者名必歸年二十三冠童軍二十七領鄉薦兩赴春闈不第仍設帳談經以糊口焉後值湖南名孝廉湯公補臣者蒞任斯土公之同年也爲振興文化起見聘公修朝陽志書數月報竣未及印刷而湯公卸事遂寢因

朝陽縣志

卷二十四

人物

二

保存不力遺稿全失後人不獲見鴻文巨製可慨已又數年有富公子周者權篆斯邑聘公爲書院山長一時人材輩出皆公之賜也性耿介不樂仕進又遭家不造終窶且貧年五十四而終學界莫不謂失一山斗云

朱鏡涵字春圃原籍寧遠遷居三角城子幼習商業志在讀書壯歲游庠鄉試未售意無仕進教授生徒裁成頗廣其平生最著者救人之難濟人之急脫無辜於縲紲勵表正於鄉閭國人仰若山斗焉子汝廢以

進士知昌黎縣先生有戒子詩二首列後藝文內  
姜夔居巴圖營子村字春圃先自山東萊陽縣遷居朝陽農商營業家稱素封平日急公好義救難扶危不避艱險濟貧恤困不惜巨資鄉人稱爲善士家藏書史晚歲義方教子英俊翹材次子迺恒中式順天舉人選河南長葛知縣病故都門孀媳矢志撫孤生丈夫子三人勝衣就傅後入中學肄業今蒸蒸日上矣長子迺豫投葉提督入陸軍供職厥後回鄉經理家務墾畝雲連森林蔚蔚家道日見豐盈三子迺震高

朝陽縣志

卷二十四

人物

三

等巡警畢業官本縣警佐安民保境地而又安調北票路礦警察段長功績昭然姜氏一門號爲朝陽望族皆春圃公之所積而成也

徐中繡字尙綱居南鄉奔樓杖子村前清附生光緒季年首先捐資設立高小兩等學校倡興教育十餘年桃李盈門先生圭璧束身儒林重其品門牆造士聖學廣其傳迹其事親孝教子嚴持家勤儉而於鄉里親故之貧者恒隨分調濟之而無吝色故聲名洋溢於一鄉歿後鄉之人共建碑以銘其德今風微渺矣

詩曰高山仰止景行行止緬懷賢哲殊令人不勝企慕之思

林蘭芳字商山住縣南林家窪西園公之長子天資穎悟工書能文十九歲入泮是年西園公以辦團擊賊爲國捐軀清庭錫以雲騎尉世職命先生承襲適因接理家務遂廢學然仍延請名師教兩弟讀書以期上進及二弟彙芳遊庠後以廩生舉孝廉方正選用教職仍不樂仕進而好理家政先生喜家有替人乃入縣城經營商業每獲贏餘輒奉旨甘以供老母蓋

朝陽縣志

卷二十四

人物

四

雖委身營商而重義輕財與人以誠持己以儉絕非奸商俗賈所可比且久居縣街於時事利弊知之最悉故於地方公益恒首先倡辦即他人發起者亦必就商於先生深爲社會所倚重惜年僅花甲即以壽終先生之孫鴻鈞現爲本縣實業局長才學兼備尙克世其家焉

楊清源字湘深住趙胡子溝村距縣八十里兄弟二人公其季也好讀書事親以孝聞因家寒入商業住建平縣下窪咸亨聚商號司賬簿不數年得身股六釐

財東好作投機事業失機倒閉公乃回家當住咸亨聚時與主顧王某相善每到結賬之時意在求讓公不肯王頗銜之未幾王某爲酒商憶公結賬事不肯以利讓人是公而忘私者也反甚義之乘公家居以禮聘之無承保無薦引蓋知公之深任公之切也彼雖開燒資本不厚全恃外交活動公素信人共知之燒糧半屬賒欠加班燒酒獲利不貲遂開典當時有馬賊郭文德由朝赴建一路抄搶不日抵下窪公憂之與財東籌禦賊策東好勇謂以逸待勞不如當頭

朝陽縣志

卷二十四

人物

五

痛擊率鄉勇協本地武營迎之遇於乾溝子地方遂接仗鏖戰多時賊雖大敗王東名君者死焉事聞熱河魁都統嘉其奮勇冒險不顧身家保奏六品軍功咨部備案從此生意隆盛數十年間廣開支號如望歌素台鄂爾土板寶國圖道根營子凌源縣街朝陽縣街等處均有燒當其餘小營業尙多以公一人總司諸號此公之才能爲人所不及者也又當壯年曾赴關東新城接其高祖母靈柩蓋公之高祖父故於西高祖母故於東當時曾囑日後合葬或東或西均

可不意事經兩世力不能達公以爲憾賴親朋資助毅然赴東接靈台葬族人義之又因東省木料價廉運回松木板若干未及出售因該號門前涉河者甚難遂將此板捨之架橋以便行人至今談者猶感激不盡公之善舉不一而足所確知者若是年老辭歸家居四載無疾而終享年七十九歲生一子名瑞光緒初年入泮積學有得爲清季名諸生

趙公諱璽字瑞符居邑西房申村孝友端嚴好成人之美公父克才酒商三盛水執事定省雖缺而四時衣

朝陽縣志

卷二十四

人物

六

履皆早製備源源供給在家則眠食茶飯必親檢點晨夕侍側不諭之去不退也遵囑勤儉持家整理田園動稱親意得以一意經商無內顧憂者賴此耳公母氏顧先依胞兄琇居及公遭長媳縊死事田產蕩盡慈幃乃棄彼就此不虞凍餒者以箕帚詬詈不如菽水承歡也其膳田從未計及時公父已卒惟母在定省分內事母所最繫念者兒女也兒爲公之胞兄弟女則公之姊四人兄之子賂輸無償每竊財亡去公率人蹤跡得之責罰約束至於再三公弟璵則將

公前典田土儘數賣絕價累千萬不較也未幾兄弟家皆中落賴公賙濟以終天年公諸姊家豐嗇不一至生則婚嫁承繼疾病醫藥歿則喪葬衣衾墳墓祭掃數十年如一日又所以慰親心也里有劉李氏婦居而家頗裕欲繼義子某爲嗣雖有族任弗信也公居間調劑令族任男婦均爲之備暗以忠孝勉之復使伯母結以恩暗以子媳待之久則無子而有子無家而有家卒繼以爲嗣里北山中塔梁道畏途也長八九里立山神廟其上爲行旅休憩之所歷年公率

朝陽縣志

卷二十四

人物

七

多人椎巖鑿石拓治道途務使平坦可行而後已此外資助婚喪矜恤孤寡建修寺院尙多公子四皆教以義方長連棟三合公當執事次連級同成號執事又次連科習農工俊儒其季子也中式光緒癸卯舉人公性嚴鄰里敬憚晨起出外凡貪眠未起者聞聲輒披衣出門農工游惰者見之多斂迹否則必加呵斥公享壽七十有七村人至今猶稱述不衰

程義隆字貴祿住縣西波羅畝溝性方正不阿雖不多讀書而處事不踰越規矩多合公理人心前清之季

土匪蜂起鄉人以其正直勇敢推爲鄉社首領果能糾合各村精壯捍衛一方而無賊匪之擾且以其餘暇爲鄉中排難解紛而訟端不起當事者聞其能任爲警察巡官公益感激圖報嚴禁賭博勤緝賊匪一以保衛治安爲要務衛民而不擾民鄉里翕然頌之積勞成疾年僅五十七歲卒於警所鄉之人不忘其德爲之立碑刻銘以志不忘焉

高景陽字小萃朝陽縣城世族也祖應驥中前清庚午科舉人父紹賓邑諸生世繼書香景陽弱冠游庠旋

朝陽縣志

卷二十四

人物

八

補廩膳生性寬厚和平喜獎掖後進見失學子弟多方勸勉令其向學以圖進取常設講席課徒循循善誘誨人不倦時縣令慶康聘充西席教公子延譽讀書先生實心教授朝夕提撕越數年啓迪功深終成大器後延譽仕至承德府太守政尙寬平治績稱最蓋一乘師傅焉先生壽止三十三歲以疾終士論惜之

孫蘭字馨亭前清貢生孫蔭培之父也兄弟三人公居長平生好施與聲聞遐邇光緒二年縣長湯公補臣

湖南名孝廉也知公賢爲振興文化起見聘公監修  
考棚公義之慨然任事規畫悉宜雖工師不是過也  
工竣後湯公子以一鄉善士扁額又附以一聯云修  
身豈爲名傳世作事還期利濟人鄉里榮之公歿後  
遠近思慕於墓門樹碑一座以伸感激之意碑文另  
錄住邑北松樹台溝距縣八十里壽享八十九歲子  
孝孫賢喪葬如禮

朝陽縣志

卷二十四

人物

九

創辦鄉團勳勞頗著聞有賊來立即率勇前往援救  
不分畛域賊知其勇相戒引避共稱之曰黑鷹隊想  
古之鴉軍不過如是政府嘉其勇賞戴二等獎牌吐  
默特貝子委任札蘭四品銜惜天不假年僅享年五  
十一歲鄉黨士紳莫不哀悼因於墓側立碑以志不  
忘碑文另錄

李萬斗字星橋住邑北哈而腦西山李家杖子村壽八  
十無疾而終平生思厚存心慈祥在抱精通醫術普  
濟一方其幼年貧苦無聊好讀書卒能成家立業晚

年蒙縣長慶公健侯親點老民詳請賞賜頂戴鄉里  
榮之又因衆望所歸公送名高東序扁額至今猶在  
子孫繁衍家道豐亨人皆謂爲善之報云

劉書田字禮耕住縣南二十家子性淳樸語言訥訥如  
不能達而才思華瞻詩文工麗弱冠遊庠旋即食餼  
科歲試恒拔前茅而困於棘園屢試不第家貧窶以  
舌耕爲業教授二十餘年誨人不倦門弟子多發迹  
者而先生清貧自守於館穀之外毫無所貪平生不  
履地方官署其廉潔方正大爲時人所欽崇云

朝陽縣志

卷二十四

人物

十

張丕謙字牧堂世居縣北桃花園本農家子貌韶秀才  
尤英敏讀書過目成誦適沈紫圃先生設帳於其村  
時公年已十一尙未入學其封翁以村有名師擬令  
入學讀書三二年略識之無以供農家書寫賬簿於  
願已足及讀至三載五經卒業已拈筆爲文且時有  
驚人語是年其封翁適令退學紫圃先生語之曰此  
生之才千百人中不能獲一誠能繼續求學十年後  
必可成名其家人喜而從之果於十九歲遊庠嗣以  
家道不豐遽謀館穀遂致前途蹭蹬閱十五年至三

十四歲始舉於鄉歷赴春闈皆不第戊戌會試場前  
二日猝患中風卒於京師旅次年僅四十四歲以公  
之才與學在京師同鄉先達均以翰苑期之而僅以  
一第終惟教授二十年口講指畫栽培一班後進爲  
一生成績至其抱負之遠大經濟之宏深終未獲假  
尺寸之柄展布於萬一知者惜之

馮少懷字保臣住縣北桃花園身高面大兼無眉毫望  
似粗莽之人實則性情樸厚應世接物異常和平讀  
書刻苦學有根柢而累困童場年逾而立尙未博得

朝陽縣志

卷二十四

人物

十一

一矜其弟少陵學業遠不及乃兄竟先入泮而先生  
縣府兩試恒列前茅時或首出院試輒點落且先生  
年未三十即設館授徒學生慕其名負笈請業者門  
牆常滿益以教授殷勤不數年採芹食餼者踵相接  
而先生依然困頓於童子軍中直至四十歲始得遊  
庠而壯志消磨已盡矣初先生家業豐厚且族大丁  
多同居至百餘口至是析居十餘戶財產亦隨人丁  
耗散家漸不豐設帳授徒亦復冷淡適值縣中創辦  
林業主持需人同人舉以應選乃爲林業公司董事

前後數年雖時與官府接洽從不干與地方事王恩  
普太守深器之嘗謂使士盡如馮保臣世可以泯爭  
端先生平生鬱鬱不得志得此知己可以無憾矣

原其達字子上住縣西原家溝性忠直遇鄉里不平事  
輒排解之公自幼年嗜武常思投筆父窺其意遂令  
棄文就武從師年餘遂爲武庠生因鄉試不第息影  
家門以弓馬自娛因是就學者多成名值清室衰微  
整頓鄉練太守王公廼斌聞其名委爲分區總巡馭  
下寬而嚴接物和而敬繳賊察禁不辭風天雪夜解

朝陽縣志

卷二十四

人物

十二

紛排難不憚舌敝唇焦後經王太守楊幫統閱武縣  
城見其操練有法在本縣首屈一指立賜銀質獎牌  
以示鼓勵民國十年秋汲都統蒞熱被選爲鄉老代  
表全縣赴省會議十三年旅熱同鄉僉以直奉有事  
我縣適當其衝警察所長非舉德高望重者充之於  
事無濟舉公在案未及發表加委而戰事起矣是年  
冬公供職本縣保衛團分局團董公務冗繁積勞病  
故享年六十有二

方鎮南字榮五住縣南鷓兒營子賦性純厚篤於孝友

壯年游泮應鄉試累薦不售值兇荒量力賑濟鄉里有詞訟盡力排解當前清末年盜匪蠢起公倡辦團練以禦之閭里無驚民國肇始諸多阻力公乃不避嫌怨苦口勸導並命子維藩佐理警務遵章理事全無薪金秩序安寧與有力焉命任維翰辦理學務同弟禮南捐資若干成立高等小學校一處國民學校女子學校各一處一鄉文風丕振民國十八年春逝世享壽七十有五

陳希德原籍山東海豐縣清雍正年隨父士吉北上轉

朝陽縣志

卷二十四

人物

三

徙數年於乾隆初至朝陽東北尖山子溝遂家焉時年二十七矣性坦直喜謳歌尤篤於孝友祖母年高恆思故土乃謳歌舞蹈以博祖母權並減父母爲親之憂日以爲常故祖母不見之不樂也同兄希孟弟希發躬耕亦歌以節勞每藉播種具爲鼓板以至種籽多寡不均及耘苗始知兄弟視之拊掌大笑後祖母張病故遺囑必送歸原籍過關隘津渡頂呼我無忘越三年積有薄資親負骸骨如遺囑送歸山東合葬祖墓徒步往返未嘗知勞嗣是數省祖墓冬去春

還安步當車怡怡如也弟兄力耕家以日起每有自山東來者必厚遇之鄉里急難周恤之無吝色教家嚴孫男女雖多無敢嬉於其側待人恕僮僕有過未嘗加以惡聲人咸敬服而無廢事年九十二歲壽終原紹世居原家溝東窪幼入鄉學讀不數年所識文字僅可登記賬簿因料理家政無人遂輟讀時甫年十五奉長以敬待幼以慈御僕以寬處鄰里以和睦儉而不吝勤而不苛天性使然非矯飾也鄉人悉贊其治家有法處事有章年方弱冠衆議舉其爲地方鄉

朝陽縣志

卷二十四

人物

四

約義不容辭當即接充凡事之益於民者請官興之害於民者請官革之急公好義任怨任勞力所能及無不倡而行之嗣以久任地方義務有荒家政堅辭卸責始得仍理家務並於宗族之貧寒者周恤之鄉里之孤寡者賑濟之鄉人以其應差數年有益於地方者多且好善樂施群稱之爲老善士並題贈望重一鄉之匾額自是德業日進家業亦日盛倉箱坐擁蘭桂環生子孫文武入泮者接踵而起門庭之匾額重重鄉黨榮之至清光緒初年歲大飢公每日捨粥

飯以濟飢民時年已耄老含飴弄孫五世同堂猶甚康健享年九十有七以壽終

陳瑛父希孟希德之猶子也性慷慨有膽略清咸豐中

遇票匪交人好匪人之變匪百餘聞者風靡家人相

借遠逃匪至擄瑛叔希德東去瑛聞即隻身往追日

夕遇匪於葫蘆湯村去家已四十里入見匪首告以

叔老願以身代匪首交人好義之許候至翌晨以寶

銀七錠來贖約匪勿施榜掠匪許之並與以馬促令

速歸夜半抵家百般搜羅足五錠之數餘不能得雞

朝陽縣志 卷二十四 人物

五

已鳴蟠扈氏慮銀不足並罹不測執不令往瑛奪門

去臨行謂家人曰此去縱不得同歸亦當替叔歸也

遂駝銀往比至東方已白匪猶未興入見告以銀數

不足求釋叔還留身候贖匪叱之無懼色執之無難

色言詞侃侃群匪皆驚曰此鐵石漢也難得難得代

爲請求匪首亦慨允不殺叔任遂得俱歸事後聞者

咸昨舌由是義聲傳遐邇享年八十有六子孫繁盛

于凌霄住縣南山神廟子村邑諸生學問淵博廉隅自

矢教讀邊內外造就人才甚多晚年家居齒德冠鄉

里戚友慶弔事一經臨門人爭榮之壽享耄耋無疾

而逝子慎言以附生出佐戎幕積功保用縣知事分

發黑龍江省補用

陳鳳軒居縣南小塔子溝幼業儒未展厥志遂專心學

醫期以有益於世性耿介正直治家以孝友著鄉里

皆稱其賢猶子國相爲邑庠生叔任在鄉排難解紛

倡辦公益言則持正論行則崇古道堪爲一鄉之模

範國相子克昌由中學卒業出佐軍幕識者咸謂其

昌大門閥云

朝陽縣志 卷二十四 人物

六

孝子白勤字俊卿住縣南二道溝村性純篤業農粗通

文字喜閱善書凡附近談道德講公益者罔不傾心

交納以踐其言父早亡事母至孝待弟以和弟儉孝

親敬長亦類其兄及母亡兄弟遵制成服勤在墓側

露宿者旬日村人咸來勸阻以廬墓三年對衆見其

志堅遂合力經營不日而廬成勤居其中食必供獻

流涕哀毀三年如一日光緒三十四年經本府王公

廼斌以孝子詳請旌表奉旨准予建坊除服後以子

女既長於家人生計概不過問惟好辦地方公益云

孝子邢俊住縣南廣富營子前清附生邢廷撰之子性最孝友凡鄉里公益善舉見則勇爲排難解紛是其天性其父卒即結廬守墓至三年其子請其回家孝子云父母之恩即守至歿世亦不能報答於萬一又經其弟侄等一再勸請孝子決抱終守之志不肯回家後守至六年復經其子挽求其最投契之親友婉轉相勸始行回家然其時已憂勞致疾甫二年亦卒孝子麗欽住黃河灘村民國五年母壽終葬於村南孝子結廬墓旁守孝三年然後歸家嗣本農人家又甚

朝陽縣志

卷二十四

人物

七

貧未曾讀書而有此至行洵近世所罕有者  
孝子索翊廷性至孝於其父母視膳問安柔聲下氣昏定晨省愉色婉容行年五十而孺慕之天真依然如故後其父七十餘壽終母八十餘壽終  
孝子王永山住縣東孤家子村務農爲業未曾多讀性至孝其父早亡母患病多年動轉維艱永山晝夜扶持始終不怠母歿後廬墓三年不茹葷不飲酒不食貴品母所好者永不忍見滿三年後仍不出廬復守孝十月以報母恩斯亦孝行不匱者歟

王玉樹字毓階縣西黃金店人山附生舉癸卯科鄉試性寬和好爲人排難解紛雖紛至沓來多而不厭初鄉舉後設帳授徒及清季變學充本縣中學校學監旋爲校長熱心教育獎掖後進尤孜孜不倦辦學頗有成績民國二年選舉爲衆議院議員提案建議多宏濟時艱惜享壽不永正當服政之年遽病歿於林東蓋先生營別業於開魯已移家往居值林東初設新縣又前往相宅時值盛暑故罹其殃也  
汪樂字詵甫直隸永平府盧龍人也爲人性情樸訥雅

朝陽縣志

卷二十四

人物

六

尙儉素尤崇儒黜佛嫉視巫覡年十七補博士弟子員勤習舉業累赴秋闈前後十有一次光緒己酉挑取膳錄旋又誤中副車雖季子金盡劉蕪涕零而績學不輟罔間寒暑當清光緒十八九年久在京華時吾鄉汪友棠前輩其族兄也適以戶部郎中任通州倉廠監督欲延師課讀每難物色諗知其宿學通儒京邑掇巍科拖青紫者多出門下遂敦聘來朝教其二子設帳城外北營子哨虎營子竹林寺等處及門弟子採芹折桂概未空科如邑紳姜迺恒中式光緒

庚子舉人王玉樹趙俊儒中式癸卯舉人王文瑞進  
承德府學唐鎰唐銘進直隸臨榆縣學王蔭庭進直  
隸樂亭縣學費文蔚汪孝堃張樹德進朝陽縣學其  
餘負笈從遊者絡繹其門皆稱一時俊秀惜天不假  
年至光緒三十年九月終於館次門人醵金殯殮心  
喪如禮計光緒二十二年冬抵朝三十年冬壽終僅  
八年耳聞彼都人士欽其德業已奉祠鄉賢  
潘成字秋來土默特右翼蒙古原住縣南偏頭營子家  
極貧生甫四日母遽病故父業農不暇顧兄嫂復不

朝陽縣志

卷二十四

人物

九

相恤呱呱終日幾至餓死幸有白氏姨母已逾壯年  
尙未有子聞之乃夫婦齊來抱之去乳哺如己出意  
將養以爲嗣奈每聲明嗣續爲子兒必暴病若欲死  
焚香祝告許送廟宇當喇嘛則立愈十餘年歷試不  
爽蒙古人迷信最深乃於十二歲時其姨父母揮淚  
治裝送入城內佑順寺充當喇嘛投師某性最嚴稍  
不如意鞭笞隨之且有師兄二人時相媒孽故受責  
益多甕甕孤兒如罹水火者又十餘年至二十餘歲  
已長大成人其生父先歿其姨父母及其師與師兄

亦相繼亡是時該喇嘛於其父與姨雖抱終天之恨  
而實爲時來運轉之機蓋既葬其父與師又特別將  
其姨父母屍骨焚化親身背負其灰送至五台山中  
營葬人以此事最爲靈異歸而承其師與姨之業服御始稍  
寬裕居處始得自由然該寺有喇嘛數百人亦仍旅  
進旅退誦經服務碌碌未有奇也又閱十數年至三  
十餘歲適值光緒十七年教匪之變於十月十二日  
夜突至城西七道泉子焚喇嘛廟聲言平清滅胡風  
聲鶴唳文武官知不能守皆棄城逃商民無主聞賊

朝陽縣志

卷二十四

人物

三

自西北來亦紛紛均向東南逃走適天又驟變風雪  
交加沿街哭號之聲慘不忍聞該喇嘛此時忽靈機  
發動以爲求救於熱河至速亦須半月外始有援兵  
不如越境請兵於奉天可以救急遂獨騎快馬連夜  
赴錦州尋副都統衙門擊鼓告變副都詢其情先以  
越境請兵格於成例拒不允該喇嘛慷慨陳詞謂天  
下官管天下民彼教匪揭其旗曰平清滅胡是國家  
叛逆非止朝陽一縣之患倘日後於國家有損貴官  
敢執其咎否此語既終副都意似默允既又以私人

報告無官府公文不足爲憑相詰難該喇嘛又作秦庭之哭啼泣言曰現在由朝至錦一百八十里之路乘車策馬及扶老携幼逃難而來者絡繹不絕設非至危至急誰肯冒長途風雨而紛擾至此請即派人往查如有虛報小僧甘領重罪並請將小僧桎梏待罪即出師救援日後如查有絲毫妄報立斬小僧之首以爲誣妄者戒言畢號咷痛哭聲震屋瓦副都爲所感動遂急調就近防營即日出發並詳請奉天將軍繼續援應奉軍統領左寶貴帶馬步三營於十五

朝陽縣志

卷二十四 人物

三

日抵朝街詎十三日縣城失守甫隔二日教匪占城後亦料熱河援兵急切不能即到正在飲食歡會不意奉軍猝至一戰即將該匪驅出克復縣城越日又分途向西北追擊教匪無相當器械故奉軍連戰皆捷斬獲無算及十月終熱河援軍始至朝陽已大致救平惟助剿建昌赤峯餘孽及辦善後而已及事後人始知該喇嘛有越境請兵之事以絕大風波竟突起陡落不致全縣糜亂同罹慘禍者胥賴此舉非特合縣人民感德即文武各官亦無不欽佩該喇嘛之

卓誠毅力而深敬之不識者爭以一見爲榮大吏且陳奏其功蒙清廷獎以綽爾濟達喇嘛名號佑順寺亦推爲總經理自是該喇嘛聲譽日起財產亦日益豐盈性慷慨好施與平生善舉甚多詳見編者當路獎給好善樂施匾額及地方人所立碑碣匾額頌其德者尤夥自年過六旬乃於城西自營潘園多植花木遷居其中以爲養靜之所不與世事至七十五歲歷歷布署身後事無疾而終

耆壽

朝陽縣志

卷二十四 人物

三

党振翼住縣北西官營子年八十一歲壽終前清舉人党振翔之胞弟一生清閒賴有父兄家事不理不問生一子早亡有三孫承繼家道小康  
李祥居長皋牌安家溝村李繼增之父也幼年貧苦品行端方中年勤儉治家日漸充裕至晚年子孫蕃衍家業益盛享壽八十二歲而終  
王廷芳住湯頭溝村享壽八十八歲  
趙德住橫河子村享壽八十四歲  
于洵洋住嘎海岡村享壽八十五歲

張榮智住波珍溝瓦盆窑享壽八十五歲

叢鵬翰住嘎海圖村享壽八十二歲

杜成住梅勒營子村享壽八十二歲

于洵海住波珍溝村享壽八十二歲

劉文煥住橫河子村享壽八十六歲

劉文德住橫河子村享壽八十八歲

王舉住橫河子村享壽八十一歲

劉世有居糖房村享壽八十四歲

譚起公居城北三岔口村務農為業現年八十三歲齒

朝陽縣志 卷二十四 人物

三

落重生耳目聰明身體強健人爭羨之

于泉字興波居長皋牌安家溝現年八十歲鬚髮尙未

蒼白幼失怙恃依叔父養長持家儉約尤耐操勞

娶馬氏生子二長廷元次廷杰教子恭嚴更得賢內

助輔佐家政遂令長子營商次子求學為商者訓以

義方求財求學者訓以力求實用迨後二子遵守庭

訓卒能商學兩界各成其名家庭豐足鄉里榮之

李麟書縣南中山營子人字玉卿弱冠游庠旋食廩膳

補緒光五年歲貢一生教讀為業門下士多成材享

壽八十歲而終

張秀居小遼路溝村張會之祖也享壽八十餘歲而終

王福泉居縣東北尖山子溝性篤實業農並習木工娶

口氏伉儷甚篤生子名儒方數歲而婦亡義不再娶

現年八十九歲

董住縣南七道嶺有子二長名金次名銀享年百歲

有奇始以壽終惜其後人無讀書者竟不能舉其名

由常久居下窩舖村農人也克盡孝道勤儉持家享壽

九十歲而終

朝陽縣志 卷二十四 人物

三

齊連慶幼習商壯而始家生有三子次鵬壽年十七歲

游庠文與書法並佳先其父殂連慶八十餘歲而終

周景春居白石郎溝性忠直好排難解紛素孚鄉望現

年八十一歲精神猶健

王永成居縣東巴吐營子務農正直以義待人不好便

宜現年七十九歲

姚青林居七道嶺牌雙廟姚有德之父性公正喜排解

鄉人感其德為送匾額曰公正素孚現年八十二歲

何祥居縣南何家窩舖性好佛經每日誦之現年九十

五歲

楊桂林住犇牛營子蒙古人無家無子好執公理遇鄉里有紛爭之事務期調和完解不辭辛苦現年七十八歲

張士信居縣西李家杖子現年八十一歲精神猶健

茹鳳鳴居趙大把牌小吉營子現年八十二歲尙強健

異常

尹壽昌居縣北趙大把村其人業農忠厚樸實精神強

壯子一名永年承父志經營家務孫二長業儒次爲

朝陽縣志

卷二十四

人物

五

農現年八十九歲

叢貴居縣西北炮手溝農業傳家身體健壯子孫蕃衍

享壽八十八歲而終

黃禮生居黃家爐村業鐵工身體甚強有子三人現年

八十四歲

那摩即拉生居姑子營子蒙民也有子三人孫六人現

年八十六歲尙強壯異常

托木兒喇嘛住姑子營子蒙人也現年八十歲

劉廷發居縣西山嘴子村樂善不倦恒修道平路以便

行人幼年力田晚年課子教孫治家甚嚴享壽八十一歲其妻尙在現年亦八十餘

劉山居縣西山嘴河東村家世業農生平勤勞操作不息享壽八十一歲而終

鞠煥文居縣西山嘴子村一生身體強健他人所不能及享壽八十五歲而終其妻韓氏亦八十餘歲炊爨尙自爲之

鞠占殿居山嘴村無子女子然一身享壽八十二歲終

高福德居縣西傳家溝享壽八十七歲晚年得廢疾輾

朝陽縣志

卷二十四

人物

五

轉床褥動作需人子九如性至孝媳佟氏亦頗賢淑

事翁惟謹飲食寒暑加意珍護便溺皆親爲掃除必

敬必潔數年之久子若媳無倦容故翁得永其天年

子與媳之孝可並傳焉

趙翁居縣西姑子營子有子四人惟第四子業鐵工餘

均業農翁年踰百齡步履猶健有問其年者惟以九

十九對性倔强直爽其子已七十餘歲少拂其意則

怒罵曰短命之人享壽百一十餘歲而終

叢天相住木頭城子其父忠誠樸實與人交久敬不懈

性習吟詩每有親友造其家或餽送或拜謁必咏詩以誌其事享壽八十餘歲而終

蘇潤字雨時居縣南龍王山子讀書數年粗通文字樂

善好施在村外道旁築草房一間常年預備茶水以

飲行人已歷三十餘年又在該村創立義學勸人為

善等事現年八十四歲

楊國義居縣南魏家營子六家子高等小學學董楊源

之父也幼貧體壯四十六歲有子家業日盛現已子

孫滿堂年九十三歲精神猶不衰云

朝陽縣志

卷二十四

人物

三

姜福居縣南龍王山子以農興家一生正直子孫蕃衍

九十四歲壽終

趙翁居縣南保正溝趙祥之父也以農為業忠厚傳家

子孫衆多兄弟八人除仲氏早歿餘俱享大壽翁現

年一百一歲

王有居縣南山嘴子村耕讀傳家子孝孫賢享年九十

四歲而終

王國璽住縣西大窩溝村以農為業年少而鰥無子女

享壽百歲而歿

孫淑秀居縣東北李木匠溝幼而孤寒為人傭工富家

以其忍苦耐勞每爭僱之中年作小貿易童叟無欺

後家道稍裕有所餘輒周濟貧苦扶持患難大有樂

善好施之概人爭頌之享壽八十餘歲而卒

邢雲信住縣北哈隆太溝以勤儉治家忠厚傳世有五

子皆守農業現年八十四歲猶強壯

薛成富住縣西啞叭杖子一生家貧行乞於市祇一孫

尙幼現年八十六歲

劉輝住縣南溝家杖子以農為業性耿介非義之財不

朝陽縣志

卷二十四

人物

三

取壽享百歲無疾而終

王起住烏素頭溝村享壽九十九歲而終

李國興住波羅赤年六十六歲值清慈禧后七旬萬壽

恩賜耆實壽至七十九歲而終

叢泮住叢家店前清生員課讀一生一時儒流多出其

門享壽八十一歲而終

叢芭住叢家店前清生員品端學粹享年八十四歲壽

終

叢芬住叢家店六十五歲值慈禧后七旬萬壽賜恩老

民享年七十八歲壽終

張士清住木頭城子六十三歲值清慈禧后七旬萬壽

恩賜耆寶壽八十歲而終

楊文儒住縣南梁溝村農家子出繼伊叔為嗣事之如

生父母遇父母暴怒輒效古之老萊子嬉戲娛親悅

而後已鄉里咸稱其賢孝現年八十八歲

李萬年字星橋住縣北哈而腦西山平生忠厚性好慈

善幼時貧苦讀書壯而創造家業晚年蒙縣長慶康

親點老民賞賜頂戴鄉里公送名高東序匾額享壽

朝陽縣志

卷二十四 人物

五

八十歲而歿

沈芳字榮圃住縣東小房申紫圃先生胞兄也素業醫

有疾者延請無論貧富遠近有邀必往光緒二十一

年慈禧后萬壽公方七十六歲地方官援例申詳蒙

恩賜九品壽官逾四年享壽八十歲以疾終

田德春住本城西街自幼務農勤儉後入基督教見性

明理教兒女讀書子靄仁現任湯原縣承審女遇寶

高等女學校長兼教習現年八十二歲猶神明不衰

郭璧字玉卿住城南郭家窩鋪性耿介正直治家勤儉

生五子均教以義方長保唐師範畢業倡辦學校身

為教員又為教育局查學員多年餘子亦各有正業

現年八十歲孫曾滿堂猶康強如壯年

王慶祥住縣南十里靠山屯夫婦同壽現年均八十六

歲身體康健生五子教有義方長子雲閣師範畢業

曾任高小教員餘皆農商正業現有孫十一人曾孫

三人

李雲漢住縣城東南街性方耿處世和平自幼習商業

終身不倦藉以成家享年八十三歲以壽終

朝陽縣志

卷二十四 人物

三

田占豐住縣城東塘子胡同性機警善經商現年八十

四歲尚持籌握算神明不衰

劉洛明住縣城南街幼貧窶賴勤苦謀生壯年稍有餘

裕遂經商致富六十歲後子芳繼之商業擴大十餘

年成巨富乃不數年值歐戰洋行倒閉纍纍劉之商

號亦與俱閉損失太甚至破產不能償時劉年八十

一歲壽終

楊景榮字瑞華住縣南姜家杖子祖若父世業醫先生

亦以醫名有求診治者遠近不憚勞瘁去年八旬屆

滿鄉之人爲之立碑刻銘以爲稱祝今已八十有一  
尙康強猶昔焉

孫學純字粹如住縣東李木匠溝早歲遊庠設帳授徒  
門下士成材者甚多享壽七十八歲

孫淑芳住李木匠溝粹如之侄性方正耿介現年八十  
歲子四孫七曾孫二長子廷楷邑庠生於地方警團  
迭次服務均稱職人多稱之

李潛住城北他拉稿業農善治家性強直事不合於意  
雖權貴不能屈子四其季士林爲名諸生孫曾鼎盛

朝陽縣志

卷二十四

人物

三

享年九十有六壽終

馬發年八十四歲住邑西大三家子尙康強

岳桐年八十四歲住大三家子尙健

戴八戴鵬舉之父年一百零二歲邑西大三家子人尙

康健

祖義和尙年八十八歲住西房身日光廟住持僧

程太平縣南塔子溝人善詞令好排難解紛年八十六

壽終子麟祥性至孝年六十餘事父猶如兒時昏定

晨省無少懈

朝陽縣志卷二十五

風土

入國問俗禮有明文而俗之良否悉由政治我朝陽  
地居化外二百餘年天性悍僇無可諱言故古人常  
以不治治之今則士尙詩書農安耕牧女知紡績男  
解服率流寓編氓悉成土著漢蒙耦居無猜誠前代  
所未有也惟風氣不開人多守舊近年雖漸進化較  
內地尙爲濡滯撮而紀之以觀異日進步之程度志  
風土

朝陽縣志

卷二十五

風土

一

朝陽初有居戶不過蒙族巨室寶姓者數家與其爲奴  
者相聚而居皆事牧養不事耕種故山荒平原尙廣  
自清雍正初始有直魯貧民孤身北上依於蒙古巨  
室或其奴隸之家披荆斬棘墾荒而耕年納其租於  
蒙族爾時以山荒初墾土尙肥沃益以風雨調和所  
入者多所納者少較內地謀生頓易由是來者日衆  
或效力於豪族或租地以自耕始立家室育子孫初  
無官府悉依豪族之風俗此民戶各家歷年而有祭  
火之舉也至乾隆初復遣直魯貧民於此借地安民

民戶始各構房屋以居自爲村落親友時相往來而蒙民風俗遂各異焉爰列於左  
民族風俗 民族既來自貧寒起於勤苦對於婚喪冠祭一切禮法概從簡略復無文人學士相與維持於其間遂相沿以成今俗如婚禮皆憑媒妁之言不用婚書庚帖初以識字者稀無人解辦故第憑媒妁撮合之言無或背棄後雖讀書者多以相沿已久乃竟廢而不講聘禮則爲一斤銀子八對布疋兩三件成衣而已有力者皆如此無力者亦須備齊而後準娶

朝陽縣志

卷二十五

風土

二

娶皆以晝不以夜初以野曠村稀爲防暴客今猶沿用則婚字之義味矣喪禮皆有棺無槨無力者三日而殮殮而即殯有力者或七日或五七七七日而殯殉以芻靈啖以喇嘛經謂無此二者無以供亡者之用免亡者之罪遂以爲俗父母之喪皆三年餘喪多有倫次冠禮無行之者往往以乳名呼之終身及讀有學名亦無表字間或有之皆爲親友之所贈送俗曰送號近俗猶盛祭禮則於亡者五七日有祭百日有祭第一第二第三週年有祭親友屆期亦皆備儀

相奠過此惟於年之清明七月十五日十月一日掃墓化帛而已無所謂祭也今猶相沿如此若嫁女則惟計其家之有無不計其婿之賢否娶妻亦止擇其門第之稱否不擇其女之賢否此俗之最陋者也及今民俗有優長之點四堅忍誠樸不流夸詐具有古風一也親友紛難必往排解以息訟端二也崇尚舊學禮遇士紳三也富有自治力勇於自衛有人倡率便足禦侮四也有惡劣之點四視新學爲畏途相望不進一也青年好惰見異思遷二也賭風日熾廢時

朝陽縣志

卷二十五

風土

三

失業三也墓匪爲榮不知引戒四也有此八者是在有地方之責者相機利導以復其本然之性則善矣  
民族雜俗 除夕分粘各神像於門壁中飾以朱篆初無此節大年則用紅箋配以綵錢然後於諸神之前供饌設燭焚香奠酒點放編爆謂之供大紙元旦提燈焚香分方拜請諸吉神於家謂之接神或先舉家中所供之天地俗謂大移之庭中如前儀然後焚香灌酒化帛向空北面叩拜而焚之祝以吉言先焚穀草一束或燃木火一盆於側謂之發紙侵晨各集村中子弟著